

## NOVE KNJIGE

Dušan Kogoj: MJERENJE DUŽINA ELEKTRONSKIM DALJINOMJERIMA

U izdanju Građevinskog fakulteta Univerziteta u Sarajevu aprila 2006. godine izašao je udžbenik MJERENJE DUŽINA ELEKTRONSKIM DALJINOMJERIMA autora dr Dušana Kogoja profesora Fakulteta za gradbeništvo in geodeziju Univerze v Ljubljani.

Udžbenik je u prvom redu namijenjen studentima geodezije, ali je koristan svim onima koji se bave mjerenjem dužina elektronskim daljinomjerima. Sadrži 169 strana a podijeljen je na četiri poglavlja:

1. Vrste elektronskih daljinomjera i princip djelovanja,
2. Izvori grešaka i točnost elektronskog mjerenja dužina,
3. Ispitivanje i rektifikacija elektronskih daljinomjera,
4. Redukcija dužina izmjerenih elektronskim daljinomjerima.

Pored toga navedena je Literatura ( 24 izvora ), zatim Kazalo i Obradeni instrumenti (većina renomiranih proizvođača ).

Pristup izlaganju materije je klasičan sa dobro izbalansiranim metodskim cjelinama. Obogaćen je brojnim primjerima te grafičkim priložima važnim za lakše razumijevanje izložene materije.

Naslov originala je MJERENJE DOLŽIN Z ELEKTRONSKIMI RAZDALJEMERI, a na hrvatski ga je prevela mr Slobodanka Ključanin viši asistent Građevinskog fakulteta Univerziteta u Sarajevu. Tehnički urednik je Nedim Tuno, dipl. ing. geod. asistent Građevinskog fakulteta Univerziteta u Sarajevu.

Treba istaći da autor već nekoliko godina predaje predmete Geodezija I, II, III i IV. Na studiju za diplomiranog inženjera geodezije na Građevinskom fakultetu Univerziteta u Sarajevu. Kao plod te uspješne saradnje nastao je i prijevod ovog udžbenika na hrvatski jezik. Izlazak udžbenika finansijski je pomogla Katedra za geodeziju Fakultete za gradbeništvo in geodeziju u Ljubljani.

Zahvaljujući autoru, te vrlo kvalitetnom prijevodu i izvrsnoj tehničkoj obradi, studenti geodezije i ostali geodetski djelatnici dobili su kvalitetan udžbenik, na čemu spomenutim kolegama i kolegici treba zahvaliti!

Nihad Kapetanović